

Broj: 01-01.3- 14706-94/21 AK
Datum: 18.10.2023. godine

Na osnovu člana 70. st. (3) i (6) Zakona o javnim nabavkama ("Službeni glasnik BiH", br.: 39/14 i 59/22), te člana 15. Pravilnika o javnim nabavkama JP Autoceste FBiH d.o.o. Mostar broj: NO 1.01-3837-12/23 od 12.06.2023. godine i preporuke Komisije za javne nabavke konstatovane u Zapisniku o ponovljenom pregledu i ocjeni ponuda, broj: 01-01.3- 14706-92/21 AK od 25.09.2023. godine, v.d. direktora Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

ODLUKU
o izboru najpovoljnijeg ponuđača
u otvorenom postupku

I

Okvirni sporazum za nabavku radova: „Zamjena dotrajale metalne ograde na mostovima, na dionici Visoko – Sarajevo sjever“ u vrijednosti od 1.397.498,55 KM sa uračunatim PDV-om dodjeljuje se ponuđaču: Buljan ceste d.o.o. Kreševo, sa registrovanim sjedištem na adresi Troska bb, 71260 Kreševo, IDB: 4236054650009, koji je u otvorenom postupku jedini dostavio prihvatljivu ponudu, odnosno ista ispunjava sve uslove i zahtjeve propisane tenderskom dokumentacijom.

II

Nakon zaključivanja okvirnog sporazuma sa ponuđačem iz člana I ove Odluke će se zaključiti prvi pojedinačni ugovor u iznosu od 333.958,75 KM sa uračunatim PDV-om.

III

Ponuda ponuđača: SACOM d.o.o. Sarajevo se odbija kao neprihvatljiva u skladu sa članom 68. st. (1) i (4) tačka i) Zakona o javnim nabavkama (u daljem tekstu: Zakon), iz razloga što ponuda ne sadrži tražene dokaze odnosno ista nije potpuna i ne ispunjava zahtjeve iz tenderske dokumentacije.

IV

Ponuda ponuđača HP INVESTING d.o.o. Mostar se odbija kao neprihvatljiva u skladu sa članom 68. stav (4) tačka i) Zakona, iz razloga što ponuda nije potpuna i ne ispunjava zahtjeve iz tenderske dokumentacije.

V

U skladu sa članom 70. stav (6) Zakona, JP Autoceste FBiH d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (4), 17. stav (1), 18. stav (1), 19. stav (1) i 32. stav (1) Zakona, pokrenulo otvoreni postupak broj: 01-01.3-14706/21 AK za nabavku radova: „Zamjena dotrajale metalne ograde na mostovima, na dionici Visoko – Sarajevo sjever“. Na Portalu javnih nabavki objavljeno je Obavještenje o nabavci broj: 266-1-3-16-3-85/22 dana 15.02.2022. godine, Ispravka za obavještenje o nabavci broj: 266-1-3-16-8-106/22 objavljena dana 24.03.2022. godine, Ispravka za obavještenje o nabavci broj: 266-1-3-16-8-136/22 objavljena dana 18.05.2022. godine, Ispravka za obavještenje o nabavci broj: 266-1-3-16-8-156/22 objavljena dana 22.06.2022.



godine, Ispravka za obavještenje o nabavci broj: 266-1-3-16-8-184/22 objavljena dana 04.08.2022. godine te Ispravka za obavještenje o nabavci broj: 266-1-3-16-8-210/22 objavljena dana 13.09.2022. godine.

Kriterij za dodjelu ugovora je „najniža cijena“, a predviđena je primjena e-aukcije.

Na osnovu Obavještenja o nabavci, ispravki za obavještenje o nabavci i tenderske dokumentacije izvršeno je javno otvaranje ponuda dana 22.09.2022. godine u 10:30 sati u prostorijama Javnog preduzeća Autoceste Federacije Bosne i Hercegovine d.o.o. Mostar, Hamdije Kreševljakovića broj 19, što je konstatovano u Zapisniku o otvaranju ponuda u skladu sa Zakonom. Komisija za nabavke je na javnom otvaranju ponuda konstatovala da su ponude blagovremeno predala ukupno 3 (tri) ponuđača.

Komisija za nabavke imenovana Rješenjem, broj: 01-01.3-14706-5/21 AK od 22.02.2022. godine je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, broj: 01-01.3- 14706-51/21 AK od 20.10.2022. godine.

Nakon pregleda i ocjene pristiglih ponuda Komisija za nabavke je utvrdila da je ponuda ponuđača Buljan ceste d.o.o. Kreševo jedina prihvatljiva, odnosno ispunjava sve uslove i zahtjeve propisane tenderskom dokumentacijom, ponuda ponuđača SACOM d.o.o. Sarajevo neprihvatljiva jer nije dostavljen traženi dokaz ili je dostavljen nepotpun dokaz o ispunjavanju uslova iz člana 47. Zakona, te ista nije potpuna i ne ispunjava zahtjeve iz tenderske dokumentacije, dok je ponuda ponuđača HP INVESTING d.o.o. Mostar neprihvatljiva, jer ista nije potpuna i ne ispunjava zahtjeve iz tenderske dokumentacije.

Iako je ugovorni organ u tenderskoj dokumentaciji i Obavještenju o nabavci za predmetnu nabavku predvidio održavanje e-aukcije, Komisija za nabavke je nakon pregleda i ocjene blagovremeno pristiglih ponuda utvrdila da je jedina prihvatljiva ponuda ponuđača Buljan ceste d.o.o. Kreševo, pa je ugovorni organ postupio u skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj: 66/16), odnosno e-aukcija se nije mogla zakazati.

Nadalje, Komisija za nabavke je ustanovila da cijena ponude navedenog ponuđača za Okvirni sporazum iznosi 1.194.443,21 KM bez uračunatog PDV-a odnosno 1.397.498,55 KM sa uračunatim PDV-om. Shodno tome, cijena jedine prihvatljive ponude je za 443,21 KM veća od procijenjene vrijednosti nabavke (1.194.000,00 KM bez uključenog PDV-a).

U skladu sa mišljenjem Agencije za javne nabavke Bosne i Hercegovine, broj: 02-02-1-4544-2/17 od 20.11.2017. godine, koja predviđa mogućnost da se u slučaju da su cijene svih primljenih prihvatljivih ponuda znatno veće od budžeta ugovornog organa, odnosno od sredstava obezbijeđenih za predmetnu nabavku, ugovorni organ može prilagoditi svoj budžet i raspodijeliti dodatna sredstva za finansiranje.

Od ponuđena dva prijedloga Komisije za nabavke Ugovorni organ se opredijelio za prijedlog kojim će se obezbijediti dodatna sredstva u iznosu od 443,21 KM za dodjelu okvirnog sporazuma u otvorenom postupku javne nabavke radova: „Zamjena dotrajale metalne ograde na mostovima, na dionici Visoko – Sarajevo sjever“.

Shodno navedenom, ugovorni organ je donio Odluku o izboru najpovoljnijeg ponuđača, broj: 01-01.3- 14706-52/21 AK od 31.10.2022. godine kojom je okvirni sporazum u ukupnoj vrijednosti od 1.397.498,55 KM sa uključenim PDV-om dodjeljen ponuđaču: Buljan ceste d.o.o. Kreševo, sa registrovanim sjedištem na adresi Troska bb, 71260 Kreševo, IDB: 4236054650009, koji je u otvorenom postupku jedini dostavio prihvatljivu ponudu.

Nadalje, navedenom odlukom ponuda ponuđača SACOM d.o.o. Sarajevo je odbačena kao neprihvatljiva u skladu sa članom 68. st. (1) i (4) tačka i) Zakona, a ponuda ponuđača HP INVESTING d.o.o. Mostar je odbačena kao neprihvatljiva u skladu sa članom 68. stav (4) tačka i) Zakona.

Nakon izjavljene dvije žalbe donesen je Zaključak Ureda za razmatranje žalbi Bosne i Hercegovine – u daljem tekstu URŽ, broj: JN2-01-07-1-3234-7/22 od 14.12.2022. godine kojim se žalba ponuđača HP INVESTING d.o.o. Mostar, izjavljena na Odluku o izboru najpovoljnijeg ponuđača, broj: 01-01.3-14706-52/21 AK od 31.10.2022. godine, odbacuje kao neuredna, te Rješenje URŽ-a,

broj: JN2-01-07-1-3235-11/22 od 02.02.2023. godine kojim se žalba ponuđača SACOM d.o.o. Sarajevo, usvaja, poništava se Odluka o izboru najpovoljnijeg ponuđača, broj: 01-01.3-14706-52/21 AK od 31.10.2022. godine, te se predmet vraća ugovornom organu na ponovni postupak.

Komisija za nabavke je postupajući po naprijed navedenom Rješenju URŽ-a, ponovo zatražila potrebno pojašnjenje izdavaoca povrde JP Ceste FBiH d.o.o. Sarajevo o dobro izvršenom poslu, s ciljem nedvosmislenog utvrđivanja činjeničnog stanja i provjere dostavljene reference.

Na osnovu pribavljenog pojašnjenja Komisija za nabavke je ocijenila da je dostavljanjem istog okončan postupak utvrđivanja činjenica u smislu provjere dostavljene reference izabranog ponuđača Buljan ceste d.o.o. Kreševo, te je ocijenjeno da navedeni ponuđač ispunjava uslov tehničke i profesionalne sposobnosti zahtijevan tačkom 7.4.2. a) tenderske dokumentacije, odnosno da je ponuda ponuđača Buljan ceste d.o.o. Kreševo, u ovom postupku, jedina prihvatljiva, odnosno ispunjava sve uslove i zahtjeve propisane tenderskom dokumentacijom.

Razlog neispunjavanja kvalifikacijskog uslova ekonomske i finansijske sposobnosti ponuđača SACOM d.o.o. Sarajevo, a koji je bio predmet žalbe pred URŽ-om, Rješenjem URŽ-a, broj: JN2-01-07-1-3235-11/22 od 02.02.2023. godine ocijenjen je kao neosnovan te je potvrđena pravilna ocjena Komisije za nabavke u pogledu neispunjavanja navedenog uslova.

Žalba ponuđača HP INVESTING d.o.o. Mostar nije razmatrana pred URŽ-om, nego je ista, kako smo naprijed naveli, Zaključkom, broj: JN2-01-07-1-3234-7/22 od 14.12.2022. godine odbačena kao neuredna.

Potom, imajući u vidu činjenicu da cijena ponude za okvirni sporazum ponuđača Buljan ceste d.o.o. Kreševo prelazi procijenjenu vrijednost nabavke, Ugovorni organ se od ponuđenih dva prijedloga Komisije za nabavke, datim u Zapisniku o ponovljenom pregledu i ocjeni ponuda, koji je sastavni dio ove Odluke opredijelio za odobrenje dodatnih sredstva u iznosu od 443,21 KM za dodjelu okvirnog sporazuma u otvorenom postupku javne nabavke, a u skladu sa mišljenjem Agencije za javne nabavke Bosne i Hercegovine, broj: 02-02-1-4544-2/17 od 20.11.2017. godine, koja predviđa mogućnost da se u slučaju da su cijene svih primljenih prihvatljivih ponuda znatno veće od budžeta ugovornog organa, odnosno od sredstava obezbijeđenih za predmetnu nabavku, ugovorni organ može prilagoditi svoj budžet i raspodijeliti dodatna sredstva za finansiranje.

Na donesenu Odluku o izboru broj: 01-01.3- 14706-77/21 AK od 13.03.2023. godine izjavljena je žalba od strane ponuđača SACOM d.o.o. Sarajevo, za koju je URŽ donio Rješenje, broj: JN2-01-07-1-794-8/23 od 25.05.2023. godine, kojim se žalba usvaja te se predmet vraća ugovornom organu na ponovni postupak.

Komisija za nabavke, postupajući po naprijed navedenom Rješenju URŽ-a, se obratila ponuđaču čija je ponuda u predmetnom postupku izabrana, a koja je uz garanciju za ozbiljnost ponude za vrijeme vođenja žalbenog postupka pred URŽ-om istekla, upitom o namjeri potpisivanja Okvirnog sporazuma te Prvog pojedinačnog ugovora.

Ugovornom organu je od izabranog ponuđača dostavljen odgovor, akt broj: 01/06-2023 od 13.06.2023. godine, kojim se izjasnio da ima namjeru zaključiti Okvirni sporazum kao i prvi pojedinačni ugovor po cijenama datim u ponudi.

Na osnovu navedenog ugovorni organ je na pouzdan način te uz pribavljanje konkretnog dokaza, a prema uputstvu URŽ-a datom u Rješenju, broj: JN2-01-07-1-794-8/23 od 25.05.2023. godine, na direktan način utvrdio odnos izabranog ponuđača prema ugovoru, odnosno Okvirnom sporazumu.

Komisija za nabavke je u Zapisniku o ponovljenom pregledu i ocjeni ponuda, a u skladu sa gore navedenim mišljenjem Agencije za javne nabavke Bosne i Hercegovine, ponudila dva prijedloga, s obzirom na to da cijena ponude za okvirni sporazum ponuđača Buljan ceste d.o.o. Kreševo prelazi procijenjenu vrijednost nabavke. Ugovorni organ se opredijelio za 2. prijedlog, odnosno da se postupak poništi u skladu sa 69. stav (2) tačka e) Zakona, jer je cijena jedine prihvatljive ponude veća od procijenjene vrijednosti nabavke, odnosno od osiguranih sredstava za predmetnu nabavku.

U skladu sa navedenim donesena je Odluka o poništenju postupka javne nabavke, broj: 01-01.3-14706-86/21 AK od 28.07.2023. godine na koju je izjavljena žalba od strane ponuđača Buljan

ceste d.o.o. Kreševo, za koju je URŽ donio Rješenje, broj: JN2-01-07-1-2176-8/23 od 31.08.2023. godine, kojim se žalba usvaja, te se predmet vraća ugovornom organu na ponovni postupak.

Po prijemu navedenog Rješenja URŽ-a, sačinjen je Zapisnik o ponovljenom pregledu i ocjeni ponuda, broj: 01-01.3- 14706-92/21 AK od 25.09.2023. godine, koji se nalazi u prilogu ove Odluke i čini njen sastavni dio, u kojem su iznesena dva prijedloga Komisija za nabavke, te se Ugovorni organ se opredijelio za prijedlog kojim će se obezbijediti dodatna sredstva u iznosu od 443,21 KM za dodjelu okvirnog sporazuma u otvorenom postupku javne nabavke, a što je u skladu sa naprijed pomenutim mišljenjem Agencije za javne nabavke Bosne i Hercegovine, koji predviđa mogućnost da se u slučaju da su cijene svih primljenih prihvatljivih ponuda znatno veće od budžeta ugovornog organa, odnosno od sredstava obezbijeđenih za predmetnu nabavku, ugovorni organ može prilagoditi svoj budžet i raspodijeliti dodatna sredstva za finansiranje.

S tim u vezi napominjemo da je predmetni postupak započet prije početka primjene Zakona o izmjenama i dopunama Zakona o javnim nabavkama („Službeni glasnik BiH“, broj 59/22) te će se isti, u skladu sa savjetodavnim mišljenjem Agencije za javne nabavke Bosne i Hercegovine u pogledu primjene propisa, okončati prema propisu po kojem je postupak započet.

Shodno navedenom ugovorni organ je donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Prilog:

- Zapisnik o ponovljenom pregledu i ocjeni ponuda broj: 01-01.3- 14706-92/21 AK od 25.09.2023. godine;

**v.d. izvršnog direktora
za upravljanje i održavanje:**

.....
Mirko Rogić, dipl.iur.

v. d. direktora:

.....
Denis Lasić

Dostaviti:

- ponuđačima koji su predali ponude
- a/a;

Broj: 01-01.3-14706-92/21 AK

Datum: 25.09.2023. godine

U skladu sa članom 65. Zakona o javnim nabavkama („Službeni glasnik BiH“, br.: 39/14 i 59/22), te članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 15. Pravilnika o javnim nabavkama JP Autoceste FBiH d.o.o. Mostar, broj: NO 1.01-3837-12/23 od 12.06.2023. godine, postupajući po Rješenju URŽ-a, broj: JN2-01-07-1-2176-8/23 od 31.08.2023. godine, zaprimljenog kod ugovornog organa dana 08.09.2023. godine, kojim se usvaja žalba žalioca Buljan ceste d.o.o. Kreševo, te se predmet vraća ugovornom organu na ponovni postupak, Komisija za nabavke imenovana Rješenjem, broj: 01-01.3-14706-5/21 AK od 22.02.2022. godine je pristupila ponovnoj evaluaciji ponuda, te sačinila:

**ZAPISNIK O PONOVLJENOM PREGLEDU I OCJENI PONUDA
u otvorenom postupku**

- a) **Naziv i sjedište ugovornog organa:** JP Autoceste FBiH d.o.o. Mostar;
- b) **Predmet nabavke:** Nabavka radova: „Zamjena dotrajale metalne ograde na mostovima, na dionici Visoko – Sarajevo sjever“;
- c) **Evidencijski broj nabavke:** 01-01.3-14706/21 AK;
- d) **Vrsta postupka javne nabavke:** Otvoreni postupak;
- e) **Procijenjena vrijednost nabavke:** 1.194.000,00 KM (bez PDV-a);
- f) **Broj obavještenja o nabavci sa Portala javnih nabavki:** Obavještenje o nabavci broj: 266-1-3-16-3-85/22 objavljeno dana 15.02.2022. godine, Ispravka za obavještenje o nabavci broj: 266-1-3-16-8-106/22 objavljena dana 24.03.2022. godine, Ispravka za obavještenje o nabavci broj: 266-1-3-16-8-136/22 objavljena dana 18.05.2022. godine, Ispravka za obavještenje o nabavci broj: 266-1-3-16-8-156/22 objavljena dana 22.06.2022. godine, Ispravka za obavještenje o nabavci broj: 266-1-3-16-8-184/22 objavljena dana 04.08.2022. godine te Ispravka za obavještenje o nabavci broj: 266-1-3-16-8-210/22 objavljena dana 13.09.2022. godine;
- g) **Datum početka ponovljenog pregleda i ocjene ponuda:** Komisija je počela sa ponovljenim pregledom ponuda 21.09.2023. godine;
- h) **Naziv i sjedište svih ponuđača, prema redoslijedu zaprimanja ponuda:** Komisija za javne nabavke za predmetni postupak je utvrdila da su do krajnjeg roka za dostavljanje ponuda, blagovremeno zaprimljene 3 (tri) ponude i to sljedećih ponuđača:
 - 1. **Buljan ceste d.o.o. Kreševo** zaprimljena dana 21.09.2022. godine u 14:19 sati, sa ukupnom ponuđenom cijenom radova za Okvirni sporazum u iznosu od **1.194.443,21 KM** bez uključenog PDV-a, te cijenom za Prvi pojedinačni ugovor u iznosu od **285.434,83 KM** bez uključenog PDV-a;
 - 2. **SACOM d.o.o. Sarajevo** zaprimljena dana 22.09.2022. godine u 09:28 sati, sa ukupnom ponuđenom cijenom radova za Okvirni sporazum u iznosu od **1.192.885,85 KM** bez uključenog PDV-a, te cijenom za Prvi pojedinačni ugovor u iznosu od **284.544,92 KM** bez uključenog PDV-a;



3. **HP INVESTING d.o.o. Mostar** zaprimljena dana 22.09.2022. godine u 09:39 sati, sa ukupnom ponuđenom cijenom radova za Okvirni sporazum u iznosu od **1.193.428,81 KM** bez uključenog PDV-a, te cijenom za Prvi pojedinačni ugovor u iznosu od **284.770,80 KM** bez uključenog PDV-a;

- i) **Podaci o pojašnjenju dokumenata u skladu sa članom 68. stav (3) Zakona o javnim nabavkama (u daljem tekstu: Zakon) ako ih je bilo:** Nije traženo pojašnjenje dokumenata u skladu sa članom 68. stav (3) Zakona. Pogledati tačku n) ovog Zapisnika;
- j) **Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** U ponudi ponuđača SACOM d.o.o. Sarajevo uočena je ispravka (strana 3 ponude) koja je urađena na način da je vidljiva, potvrđena potpisom ponuđača i sa datumom izvršene ispravke;
- k) **Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**

RB	ANALIZA, PREGLED I OCJENA PONUDA	NAZIV PONUĐAČA		
	„Zamjena dotrajale metalne ograde na mostovima, na dionici Visoko – Sarajevo sjever“	Buljan ceste d.o.o. Kreševo	SACOM d.o.o. Sarajevo	HP Investing d.o.o. Mostar
a)	Kvalifikacioni uslovi:			
1.	Lična sposobnost - kvalifikacija prema članu 45. ZJN: USLOV: U skladu sa članom 45. Zakona, ponuda će biti odbijena ako je ponuđač: a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan; b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan; c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan; d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan. DOKAZ: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod			

	b) bilans uspjeha (obične kopije) za posljednje 3 (tri) finansijske godine (2019., 2020. i 2021.), ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 3 (tri) godine, ukoliko je objavljivanje bilansa uspjeha zakonska obaveza u zemlji u kojoj je ponuđač registrovan. Ukoliko u zemlji u kojoj je ponuđač registrovan ne postoji zakonska obaveza posjedovanja bilansa uspjeha, ponuđač je dužan dostaviti izjavu ovjerenu od nadležnog organa te zemlje. Ponuđač čija ponuda bude izabrana kao najpovoljnija, dužan je u roku od 5 (pet) dana od dana prijema Odluke o izboru najpovoljnijeg ponuđača dostaviti originale ili ovjerene kopije dokumenata kojim dokazuje ekonomsku i finansijsku sposobnost. Ukoliko ponuđač u sastavu ponude dostavi originale ili ovjerene kopije dokumenata iz tačke 7.3.2. b) tenderske dokumentacije, iste nije dužan ponovo dostavljati, ukoliko bude izabran za najpovoljnijeg ponuđača.	+	+	+
4.	Tehnička i profesionalna sposobnost USLOV: Što se tiče tehničke i profesionalne sposobnosti, ponuđači trebaju ispuniti sljedeće minimalne uslove a koji se mogu potvrditi dokazima iz člana 50. Zakona a to su: a) uspješno iskustvo u realizaciji najmanje 1 (jednog) ugovora za izvođenje radova koji su isti ili slični predmetu nabavke minimalne vrijednosti 160.000,00 KM, u posljednjih 5 (pet) godina ili od datuma registracije, ako je ponuđač registrovan odnosno počeo s radom prije manje od 5 (pet) godina; DOKAZ: Ocjena tehničke i profesionalne sposobnosti ponuđača će se izvršiti na osnovu sljedećih dokaza: a) spisak izvršenih ugovora čiji je predmet izvođenje radova koji su isti ili slični predmetu nabavke u posljednjih 5 (pet) godina ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 5 (pet) godina. Iz spiska mora biti vidljivo da je ponuđač uspješno realizovao najmanje 1 (jedan) ugovor za izvođenje radova koji su isti ili slični predmetu nabavke minimalne vrijednosti 160.000,00 KM u traženom periodu. Uz spisak izvršenih ugovora ponuđač je dužan dostaviti potvrdu o uspješnoj	+	+	+
		+	+	+

	realizaciji najmanje 1 (jednog) ugovora za izvođenje radova koji su isti ili slični predmetu nabavke minimalne vrijednosti 160.000,00 KM u posljednjih 5 (pet) godina ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 5 (pet) godina, koju su izdali primaoci radova, a koja obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede. Napomena: Ugovorni organ pod pojmom isti ili sličan predmetu nabavke podrazumijeva izvođenje radova na ugradnji ili zamjeni metalnih konstrukcija na cestovnim objektima uključujući metalne ograde i metalne nosive konstrukcije mostova, odbojne ograde, zidovi za zaštitu od buke s metalnom nosivom konstrukcijom, nosive konstrukcije za svjetlosne i druge saobraćajne znakove i metalne konstrukcije na naplatnim mjestima. Napomena: Ponuđač je dužan dostaviti u sastavu ponude originale ili ovjerene kopije dokumenata kojim dokazuje tehničku i profesionalnu sposobnost.			
b)	Ispunjenost uslova u pogledu dostavljanja svih potrebnih dokumenata prema sadržaju ponude			
1.	Popunjen Obrazac za ponudu koji je dat u Aneksu 2 tenderske dokumentacije	+	+	+
2.	Popunjen Obrazac za cijenu ponude za okvirni sporazum koji je dat u Aneksu 3 tenderske dokumentacije	+	+	+
3.	Popunjen Obrazac za cijenu ponude za prvi pojedinačni ugovor koji je dat u Aneksu 3.1 tenderske dokumentacije	+	+	+
4.	Popunjen Obrazac povjerljivih informacija koji je dat u Aneksu 4 tenderske dokumentacije (ponuđači su dužni dostaviti ispunjen ovaj obraz ukoliko imaju povjerljivih informacija)	Nema povjerljivih informacija	Nema povjerljivih informacija	Nema povjerljivih informacija
5.	Potpisan Nacrt okvirnog sporazuma koji je dat u Aneksu 5 tenderske dokumentacije	+	+	+
6.	Potpisan Nacrt prvog pojedinačnog ugovora koji je dat u Aneksu 5.1 tenderske dokumentacije	+	+	+
7.	Izjava o sukobu interesa iz člana 52. Zakona koja je data u Aneksu 8 i Aneksu 8.1 tenderske dokumentacije;	+	+	+
8.	Bankarska garancija za ozbiljnost ponude u skladu sa obrascem iz Aneksa 9 tenderske dokumentacije u iznosu od 12.000,00 KM i sa rokom važnosti do 17.02.2023. godine	+	+	+
9.	Izjava o obezbjeđenju ovlaštenja koja je data u Aneku 12 tenderske dokumentacije	+	+	+

10.	Parafiran i popunjen Tehnički opis i Predmjer radova koji je dat u Aneksu 13 tenderske dokumentacije	+	+	-
11.	Izjava o namjeri podugovaranja (ukoliko ponuđač ima namjeru podugovoriti dio ugovora) data u okviru Aneksa 2 tenderske dokumentacije	n.p.	n.p.	n.p.
12.	Izjava o zajedničkoj ponudi sa navodima o solidarnoj odgovornosti članova grupe ponuđača (ukoliko ponudu dostavlja grupa ponuđača)	n.p.	n.p.	n.p.
13.	Popis dokumentacije koja je priložena uz ponudu	+	+	+
c)	Prikaz prihvatljivosti ponuda prema obliku sadržaju i potpunosti			
1.	Cjelovitost ponude	+	-	-
2.	Uvezana u cjelinu /knjiga, obezbjeđena jemstvenikom/	+	+	+
3.	Ponuda napisana neizbrisivom tintom	+	+	+
4.	Pravilno numerisana ponuda	+	+	+
5.	Ponuda napisana na jednom od službenih jezika u BiH	+	+	+
6.	Ispravke u ponudi	n.p.	+	n.p.
7.	Računske greške	+	+	+
8.	Izmjene/dopune ponude i odustajanje od ponude	n.p.	n.p.	n.p.
9.	Ponuda potpisana od strane ovlaštene osobe	+	+	+
10.	Dostavljena kopija ponude	+	+	+
	PRIHVATLJIVOST PONUDE	DA	NE	NE

Napomena:

- (+) u skladu sa tenderskom dokumentacijom **zadovoljava**;
 (-) nije u skladu sa tenderskom dokumentacijom **ne zadovoljava**;
 (n.p.) **nije primjenljivo**.

I) Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:

1. Ponuda ponuđača **SACOM d.o.o. Sarajevo**, ispunjava uslove postavljene u tenderskoj dokumentaciji iz čl. 45., 46., 51. i 52. Zakona (tač. 7.1.1, 7.2.1, 7.4.1 i 7.5.1 tenderske dokumentacije), međutim uslove postavljene u tenderskoj dokumentaciji iz člana 47. Zakona (tačka 7.3.1 a tenderske dokumentacije) ne ispunjava u cijelini, iz sljedećeg razloga:
 Tačkom 7.3.1 a) tenderske dokumentacije propisano je da što se tiče ekonomske i finansijske sposobnosti, ponuđači trebaju ispuniti minimalne uslove, a koji se mogu potvrditi dokazima iz člana 47. Zakona:

- a) ukupan promet za svaku od posljednje 3 (tri) finansijske godine (2019., 2020. i 2021.) ili od datuma registracije, odnosno početka poslovanja, ako je ponuđač registrovan odnosno počeo s radom prije manje od 3 (tri) godine, minimalne vrijednosti od 750.000,00 KM;

Tačkom 7.3.2 a) tenderske dokumentacije propisano je da će se ocjena ekonomskog i finansijskog stanja ponuđača izvršiti na osnovu dostavljene **Izjave o ispunjavanju uslova iz člana 47. Zakona ovjerene od strane ponuđača**, koja se dostavlja u formi utvrđenoj Aneksom 7 tenderske dokumentacije i **dostavljenih sljedećih dokumenata**:

- a) izjava ponuđača **ovjerena od strane nadležnog organa** (organ uprave ili notar) da je ukupan promet ponuđača za svaku od posljednje 3 (tri) finansijske godine (2019., 2020. i 2021. godina) ili od datuma registracije, odnosno početka poslovanja, ako je

ponuđač registrovan, odnosno počeo s radom prije manje od 3 (tri) godine, minimalno 750.000,00 KM

Uvidom u ponudu ponuđača **SACOM d.o.o. Sarajevo**, utvrđeno je da isti u sastavu ponude nije dostavio traženi dokaz odnosno zahtjevanu Izjavu, čime nije dokazao da ispunjava zahtjev Ugovornog organa propisan tačkom 7.3.1. a) predmetne tenderske dokumentacije.

Shodno navedenom, Komisija za nabavke daje preporuku ugovornom organu da ponudu ponuđača **SACOM d.o.o. Sarajevo** odbaci kao neprihvatljivu u skladu s članom 68. st. (1) i (4) tačka i) Zakona o javnim nabavkama.

Pravilna ocjena Komisije za nabavke ugovornog organa po pitanju navedene ponude, odnosno neispunjavanja navedenog uslova je potvrđena Rješenjem Ureda za razmatranje žalbi BiH, broj: JN2-01-07-1-3235-11/22 od 02.02.2023. godine, donesenim u ovom postupku javne nabavke.

2. Ponuda ponuđača **HP INVESTING d.o.o. Mostar**, ispunjava uslove postavljene u tenderskoj dokumentaciji iz čl. 45., 46., 51. i 52. Zakona o javnim nabavkama (u daljem tekstu: Zakon) (tač. 7.1.1, 7.2.1, 7.4.1 i 7.5.1 tenderske dokumentacije), međutim ne ispunjava sve zahtjeve postavljene u tenderskoj dokumentaciji u potpunosti, iz sljedećeg razloga:

Naime, tačkom 8.2.1 tenderske dokumentacije propisan je sadržaj ponude u kojoj su detaljno pobrojani svi elementi koje ponuda treba sadržavati, gdje se između ostalog, kao sastavni dio ponude, navodi dostavljanje parafiranog i popunjenog Tehničkog opisa i Predmjera radova, koji je dat u Aneksu 13 tenderske dokumentacije.

Uvidom u ponudu naprijed navedenog ponuđača utvrđeno je da ista ne sadrži potpun Aneks 13, odnosno ne sadrži sve stranice istog. Naime, u Aneksu 13 koji je dostavljen u sastavu ponude nedostaje Prilog 2 (Nacrti zaštitne metalne ograde) Tehničkog opisa i Predmjera radova, čime ponuđač nije dokazao da ispunjava zahtjev Ugovornog organa propisan tačkom 8.2.1. predmetne tenderske dokumentacije.

U skladu sa naprijed navedenom tačkom tenderske dokumentacije ugovorni organ je jasno postavio zahtjev za dostavljanjem parafiranog i popunjenog Tehničkog opisa i Predmjera radova odnosno Aneksa 13 u ponudi. Dakle, ugovorni organ je u tenderskoj dokumentaciji dao potpune i jasne informacije o postupku i uslovima dodjele ugovora te je ponuđač obavezan ispunjenost zahtjeva iz tenderske dokumentacije dokazati na način na koji je to precizirano tenderskom dokumentacijom.

Članom 57. stav (1) Zakona propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije a iz svega naprijed navedenog vidljivo je da navedeni ponuđač nije pripremio ponudu u skladu sa zahtjevima koji su utvrđeni u tenderskoj dokumentaciji.

Shodno navedenom, Komisija za nabavke daje preporuku ugovornom organu da ponudu ponuđača **HP INVESTING d.o.o. Mostar** odbaci kao neprihvatljivu u skladu s članom 68. stav (4) tačka i) Zakona, iz razloga što ponuda nije potpuna i ne ispunjava zahtjeve iz tenderske dokumentacije.

- m) Prikaz traženih i dostavljenih garancija za ozbiljnost ponude:** Ugovorni organ je zahtijevao bankarsku garanciju za ozbiljnost ponude u iznosu od 12.000,00 KM (slovima: dvanaest hiljada i 00/100 KM) sa rokom važenja u periodu opcije ponude + 28 (dvadeset osam) dana, odnosno ukupno 148 (stotinu četrdeset osam) dana računajući od isteka roka za podnošenje ponuda (22.09.2022. godine), dakle sa rokom važenja do 17.02.2023. godine. Svi ponuđači su dostavili zahtjevanu bankarsku garanciju za ozbiljnost ponude u zahtijevanom iznosu i propisanoj formi, te sa propisanim rokom važenja.

Kako je predmetni postupak, po izjavljenim žalbama na ranije donesenu Odluku o izboru najpovoljnijeg ponuđača, broj: 01-01.3- 14706-52/21 AK od 31.10.2022. godine, bio obustavljen, ugovorni organ nije zahtijevao produženje perioda važenja ponuda kao i garancije za ozbiljnost ponude, u periodu trajanja obustave, odnosno u toku vođenja žalbenog postupka pred Uredom

za razmatranje žalbi BiH – u daljem tekstu URŽ. Imajući u vidu da je jedina prihvatljiva ponuda, kao i garancija za ozbiljnost iste, istekla za vrijeme vođenja žalbenog postupka pred URŽ-om, ugovorni organ se obratio ponuđaču čija je ponuda jedina prihvatljiva, a prema nalogu URŽ-a datom u Rješenju, broj: JN2-01-07-1-794-8/23 od 25.05.2023. godine, upitom o namjeri potpisivanja Okvirnog sporazuma te Prvog pojedinačnog ugovora, akt ugovornog organa, broj: 01-01.3-14706-83/21 AK od 09.06.2023. godine. Ponuđač čija ponuda je jedina prihvatljiva je dostavio odgovor u kojem se izjašnjava kako ima namjeru sa ugovornim organom zaključiti Okvirni sporazum te Prvi pojedinačni ugovor o javnoj nabavci radova, a prema cijenama navedenim u njegovoj ponudi, broj: 31-08/22 od 16.08.2022. godine. Upit o namjeri potpisivanja Okvirnog sporazuma i Prvog pojedinačnog ugovora te Izjašnjenje na upit o namjeri potpisivanja Okvirnog sporazuma i Prvog pojedinačnog ugovora se nalaze u prilogu ovog Zapisnika i čini njegov sastavni dio. Na osnovu svega navedenog ugovorni organ je postupio prema uputi URŽ-a te na pouzdan način, uz pribavljanje konkretnog dokaza, utvrdio odnos ponuđača čija je ponuda jedina prihvatljiva prema ugovoru odnosno Okvirnom sporazumu.

n) Podaci o pojašnjenju ponuda: U postupku pravne zaštite, u izjavljenoj žalbi protiv Odluke o izboru najpovoljnijeg ponuđača broj: 01-01.3- 14706-52/21 AK od 31.10.2022. godine, žalilac je iskazao sumnju u pogledu lica ovlaštenog za zastupanje izabranog ponuđača Buljan ceste d.o.o. Kreševo, odnosno da je lice koje je navedeno u dostavljenom aktuelnom izvodu iz sudskog registra od 19.08.2022. godine zaista i bilo ovlašteno za zastupanje ponuđača u vrijeme potpisivanja relevantnih dokumenata ponude (izjave i obrasci), a koji su datirani prije izdavanja aktuelnog izvoda iz sudskog registra. U prilog navedenoj tvrdnji žalilac navodi činjenicu da je na dostavljenim bilansama uspjeha za 2021. godinu (sa datumom izdavanja 15.02.2022. godine) kao direktor naveden Žarko Buljan. Ugovorni organ se, u cilju utvrđivanja činjeničnog stanja, obratio ponuđaču sa zahtjevom za pojašnjenje naprijed navedenog.

U dostavljenom pojašnjenju izabranog ponuđača se navodi da su u periodu od dana objave Obavještenja o nabavci do dana otvaranja ponuda, imali promjenu lica ovlaštenog za zastupanje ponuđača, te da je Rješenje o izmjenama podataka postalo pravosnažno dana 30.04.2022. godine, dok su dokumenti za koje je žalilac izrazio sumnju iz perioda od 25.05.2022. do 06.07.2022. godine.

Naprijed navedenim pojašnjenjem ujedno je dokazano i da je potpisnik bilansa uspjeha iz 2021. godine, Žarko Buljan bez ikakve dileme, na datum izdavanja bilansa uspjeha 15.02.2022. godine kao i na datum dostavljanja bilansa Finansijsko informatičkoj agenciji na datum 26.02.2022. godine, bio ovlašteno lice za zastupanje ponuđača.

Iz navedenog pojašnjenja ponuđača kao i dostavljenih dokaza ugovorni organ zaključuje da je ponuda u potpunosti potpisana od ovlaštenog lica, odnosno od lica koje je u vrijeme pripreme ponude i bilo ovlašteno za zastupanje ponuđača. Pravilna ocjena dokaza kao i donošenje zaključka ugovornog organa je potvrđeno Rješenjem Ueda za razmatranje žalbi, broj: JN2-01-07-1-3235-11/22 od 02.02.2023. godine, donesenim u ovom postupku nabavke.

Nadalje, s obzirom na iskazanu sumnju žalioca i u pogledu dostavljene potvrde o uredno izvršenim radovima, broj: 01-02.2-9514-2/20-AB od 01.12.2020. godine, izdatu od strane JP Ceste FBiH ponuđaču Buljan ceste d.o.o. Kreševo, te dostavljenog dokaza (dopis JP Ceste FBiH d.o.o. Sarajevo, broj: 01-02.1-8169-1/22 EČ od 19.09.2022. godine) kojim je zahtjev za izdavanje potvrde o dobrom izvršenju radova za podizvođača, odbijen žaliocu, ugovorni organ je uputio dopis JP Ceste FBiH d.o.o. Sarajevo kojim je zatraženo pojašnjenje navedenog.

Pored toga, istim dopisom zatraženo je i pojašnjenje datuma zaključenja Ugovora, broj: 01-02.2-7477/18 od 31.08.2018. godine, navedenog u potvrdi, a koji žalilac osporava, uzimajući u obzir da je u potvrdi naveden period realizacije ugovora od 01.09.2017. do 15.11.2019. godine, a datum zaključenja istog 31.08.2018. godine, iz čega proizilazi da je realizacija Ugovora započela godinu dana prije njegovog zaključenja. Međutim, na navedeni poziv za dostavljanje pojašnjenja ugovorni organ nikada nije dobio odgovor.

Po prijemu Rješenja URŽ-a, broj: JN2-01-07-1-3235-11/22 od 02.02.2023. godine, Komisija za nabavke je pristupila ponovljenom pregledu i ocjeni ponuda, u okviru kojeg je zatražila potrebno pojašnjenje, a prema nalogu URŽ-a.

Ugovorni organ se ponovo obratio dopisom JP Ceste FBiH d.o.o. Sarajevo, kao izdavaocu potvrde, s ciljem nedvosmislenog utvrđivanja činjeničnog stanja i provjere sumnji žalioaca.

S tim u vezi zatraženo je pojašnjenje da li je JP Ceste FBiH d.o.o. Sarajevo izdavalac potvrde o dobrom izvršenju radova, broj: 01-02.2-9514-2/20-AB od 01.12.2022. godine, u kojoj se navodi da je ponuđač Buljan ceste d.o.o. Kreševo u svojstvu podizvođača uspješno izveo radove na izradi horizontalne signalizacije, vertikalne signalizacije i opreme puta, te da li je Ugovor broj: 01-02.2-7477/18 od 31.08.2018 zaista tada i zaključen uzimajući u obzir da je navedeni period realizacije ugovora od 01.09.2017. do 15.11.2019. godine?

Dostavljenim pojašnjenjem JP Ceste FBiH d.o.o. Sarajevo, broj: 01-02.2-9514-2/20-AB od 24.02.2023. godine ugovornom organu je potvrđeno da je JP Ceste FBiH d.o.o. Sarajevo izdavalac potvrde o dobrom izvršenju radova ponuđaču Buljan ceste d.o.o. Kreševo koji je bio angažovan kao podizvođač radova u skladu sa ugovorima koji su navedeni u potvrdi te za koje je dat i tabelarni prikaz vrijednosti izvedenih radova po pozicijama i godinama. Nadalje, u pojašnjenju se navodi da je uvidom u službenu evidenciju odnosno arhivski primjerak izdate potvrde primjetna štamparska greška, a koja se odnosi na period realizacije ugovora, broj: 01-02.2-7477/18 od 31.08.2018 navedenim pod ad) 4. potvrde o dobrom izvršenju radova. Dakle, period realizacije navedenog ugovora u potvrdi treba da stoji od 01.09.2018. – 15.11.2019. umjesto 01.09. – 2017. – 15.11.2019. kako je greškom naznačeno u potvrdi.

Shodno naprijed navedenom Komisja za nabavke je ocijenila da je dostavljenim pojašnjenjem okončan postupak utvrđivanja činjeničnog stanja, odnosno provjera dostavljene reference za izabranog ponuđača Buljan ceste d.o.o. Kreševo, a koje usljed izostanka ranije zatraženog pojašnjenja nije mogao biti okončan.

Komisija za nabavke je zauzela jednoglasan stav da uz navedeno pojašnjenje, potvrda o dobrom izvršenju radova, broj: 01-02.2-9514-2/20-AB od 01.12.2022. godine dostavljene, kao dokaz o ispunjavanju uslova tehničke i profesionalne sposobnosti, u sastavu ponude ponuđača Buljan ceste d.o.o. Kreševo, u svim elementima ispunjava minimalne uslove zahtjevanoj tačkom 7.4.2. a) tenderske dokumentacije.

Naime, dostavljena potvrda o uspješno izvršenom ugovoru navedenog ponuđača sadrži sljedeće podatke:

Naziv ugovornih strana ili privrednih subjekata: JP CESTE FBiH i Buljan ceste d.o.o. Kreševo;

Predmet ugovora: radovi na izradi horizontalne signalizacije, vertikalne signalizacije i opreme puta.

Vrijeme i mjesto izvršenja ugovora: 2016. godina - novembar 2019. godina. Lokacija izvođenja radova su magistralne ceste M5 i M16;

Vrijednost ugovora: U potvrdi naveden detaljan prikaz vrijednosti izvedenih radova datim po pozicijama (horizontalna signalizacija, vertikalna signalizacija, oprema puta: odbojne ograde i zaštitne mreže) i za svaku godinu pojedinačno.

Navode o uredno izvršenom ugovoru: Svi radovi izvedeni su uspješno u roku, kvalitetno i u skladu sa važećim propisima i standardima bez primjedbi Naručioca – krajnjeg korisnika.

Iz naprijed navedenog vidljivo je da dostavljena potvrda sadrži sve neophodne elemente propisane članom 48. stav (3) Zakona, dok je dostavljenim pojašnjenjem izvršena provjera navedene potvrde na način da je potvrđeno da je ponuđač bio odobreni podizvođač angažovan od strane JP Ceste FBiH d.o.o. Sarajevo, te je otkolnjena nejasnoća koja se odnosila na period realizacije ugovora, broj: 01-02.2-7477/18 od 31.08.2018 navedenim pod ad) 4. potvrde o dobrom izvršenju radova.

Molba za pojašnjenje i odgovor su u prilogu ovog Zapisnika i čine njegov sastavni dio.

Pravilno postupanje ugovornog organa, a prema nalogu URŽ-a datom u Rješenju, broj: JN2-01-07-1-3235-11/22 od 02.02.2023. godine potvrđeno je i u narednom Rješenju URŽ-a, broj: JN2-01-07-1-794-8/23 od 25.05.2023. godine donesenom u ovom postupku javne nabavke.

- o) Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimitljene ponude su uredno zapakovane;
- p) Analitički prikaz traženih i dostavljenih dokaza profesionalne i tehničke sposobnosti ponuđača:** U skladu sa tačkom k) ovog Zapisnika;
- q) Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Zaprimitljene ponude ponuđača Buljan ceste d.o.o. Kreševo i Sacom d.o.o. Sarajevo ispunjavaju sve zahtjeve u pogledu opisa predmeta nabavke te su navedeni ponuđači dostavili parafiran i popunjen Tehnički opis i Predmjer radova (Aneks 13), dok ponuda ponuđača HP INVESTING d.o.o. Mostar ne sadrži potpun Tehnički opis i Predmjer radova (Aneks 13).
- r) Podaci o ispravkama računskih grešaka u ponudama ako ih je bilo:** Prilikom računске kontrole u skladu sa članom 17. Uputstva za pripremu modela tenderske dokumentacije i ponuda (u daljem tekstu: Uputstvo) u svim zaprimljenim ponudama nema računskih grešaka.
- s) Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** U skladu sa tačkom l) ovog Zapisnika;
- t) Provođenje e-aukcije u skladu sa Pravilnikom o uslovima i načinu korištenja e-aukcije („Sl.glasnik BiH“ broj 66/16):** Ugovorni organ je u tenderskoj dokumentaciji i Obavještenju o nabavci za predmetnu nabavku predvidio održavanje e-aukcije. S obzirom na to da je Komisija za nabavke nakon pregleda i ocjene blagovremeno pristiglih ponuda utvrdila da su ponude ponuđača SACOM d.o.o. Sarajevo i HP INVESTING d.o.o. Mostar neprihvatljive, e-aukcija se ne može zakazati, u skladu sa članom 3. stav (3) Pravilnika o uslovima i načinu korištenja e-aukcije („Sl. glasnik BiH“ broj 66/16), nego se postupak okončava u skladu sa članom 69. Zakona.
- u) Razlozi za odbijanje ponude zbog neprirodno niske cijene:** Nije primjenjivo;
- v) Rangiranje prihvatljivih ponuda prema kriteriju za izbor ponude:** U skladu sa tačkom 9.1.1. tenderske dokumentacije kriterij za dodjelu ugovora je „najniža cijena“.

- Za Okvirni sporazum

Redni broj	Naziv ponuđača	Cijena bez PDV-a (KM)	Popust odobren u ponudi (%)	Iznos PDV-a 17% (KM)	Ukupna cijena sa popustom i PDV-om (KM)
1.	Buljan ceste d.o.o. Kreševo	1.194.443,21	/	203.055,34	1.397.498,55

- Za prvi pojedinačni ugovor

Redni broj	Naziv ponuđača	Cijena bez PDV-a (KM)	Popust odobren u ponudi (%)	Iznos PDV-a 17% (KM)	Ukupna cijena sa popustom i PDV-om (KM)
1.	Buljan ceste d.o.o. Kreševo	285.434,83	/	48.523,92	333.958,75

- w) Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Vidjeti tačku z) ovog Zapisnika.
- x) Podaci o dijelu ugovora koji se daje u podugovor i podatke o podizvođaču:** Ponuđač nije izrazio namjeru podugovaranja.
- y) Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Nakon što je u predmetnom postupku prvobitno donesena Odluka o

izboru najpovoljnijeg ponuđača, izabrani ponuđač Buljan ceste d.o.o. Kreševo, je u ostavljenom roku od 5 (pet) dana od dana prijema iste dostavio originale ili ovjerene kopije dokumenata kojima dokazuje ispunjavanje uslova u pogledu lične sposobnosti ponuđača iz člana 45. stav (1) tač. a) do d) Zakona, zatim ekonomske i finansijske sposobnosti ponuđača, odnosno bilanse uspjeha za posljednje 3 (tri) finansijske godine te važeće ovlaštenje Federalnog ministarstva prostornog uređenja zahtjevano tačkom 9.8.3. tenderske dokumentacije.

z) Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem: S obzirom na to da je ponuda ponuđača Buljan ceste d.o.o. Kreševo, u ovom postupku jedina prihvatljiva, odnosno ispunjava sve uslove i zahtjeve propisane tenderskom dokumentacijom, prelazi procijenjenu vrijednost nabavke, Komisija za nabavke, u skladu sa mišljenjem Agencije za javne nabavke Bosne i Hercegovine, broj: 02-02-1-4544-2/17 od 20.11.2017. godine, koji je sastavni dio ovog Zapisnika, v.d. direktora Javnog preduzeća Autoceste Federacije Bosne i Hercegovine društvo sa ograničenom odgovornošću Mostar daje sljedeće prijedloge:

1. Prijedlog:

- Da ugovorni organ obezbjedi dodatna sredstva u iznosu od 443,21 KM za predmetnu nabavku, odnosno za finansiranje ugovora u skladu sa cijenom iz jedine prihvatljive ponude, iako je ista veća od procijenjene vrijednosti nabavke te da Okvirni sporazum za javnu nabavku radova „Zamjena dotrajale metalne ograde na mostovima, na dionici Visoko – Sarajevo sjever“, u vrijednosti od 1.194.443,21 KM bez uračunatog PDV-a odnosno 1.397.498,55 KM sa uračunatim PDV-om i Prvi pojedinačni ugovor u vrijednosti 285.434,83 KM bez uračunatog PDV-a, odnosno 333.958,75 KM sa uračunatim PDV-om, dodijeli ponuđaču Buljan ceste d.o.o. Kreševo, sa registrovanim sjedištem na adresi Troska bb, 71260 Kreševo, IDB: 4236054650009.
- Ponudu ponuđača SACOM d.o.o. Sarajevo odbaci kao neprihvatljivu u skladu sa članom 68. st. (1) i (4) tačka i) Zakona, iz razloga što ponuda ne sadrži tražene dokaze odnosno ista nije potpuna i ne ispunjava zahtjeve iz tenderske dokumentacije.
- Ponudu ponuđača HP INVESTING d.o.o. Mostar odbaci kao neprihvatljivu u skladu sa članom 68. stav (4) tačka i) Zakona, iz razloga što ponuda nije potpuna i ne ispunjava zahtjeve iz tenderske dokumentacije.

Ili

2. Prijedlog:

Da se postupak poništi u skladu sa članom 69. stav (2) tačka e) Zakona o javnim nabavkama, jer je cijena jedine prihvatljive ponude znatno veća od procijenjene vrijednosti nabavke, odnosno od osiguranih sredstava za predmetnu nabavku.

Napomena: Ukoliko se ugovorni organ (v.d.direktora) opredijeli za 2. prijedlog, neophodno je Službi za javne nabavke dostaviti obrazloženje razloga za poništenje postupka javne nabavke u pisanoj formi, u skladu sa nalogom URŽ-a, datom u Rješenju, broj: JN2-01-07-1-2176-8/23 od 31.08.2023. godine, odnosno razloge zbog kojih nije moguće izvršiti preraspodjelu finansijskih sredstava, kako bi se obezbijedila dodatna sredstva (u iznosu od 443,21 KM) za finansiranje ugovora odnosno okvirnog sporazuma, koje će biti sastavni dio Odluke o rezultatu postupka.

Napominjemo da je predmetni postupak započet prije početka primjene Zakona o izmjenama i dopunama Zakona o javnim nabavkama („Službeni glasnik BiH“, broj 59/22) te će se isti, u skladu sa savjetodavnim mišljenjem Agencije za javne nabavke Bosne i Hercegovine u pogledu primjene propisa, okončati prema propisu po kojem je postupak započet.

aa) Datum završetka postupka ponovljenog pregleda i ocjene ponuda: Komisija je završila ponovljeni pregled i ocjenu ponuda dana 25.09.2023. godine;

bb) Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.): Ovaj Zapisnik nema priloga;

cc) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Amra Kahrmanović, predsjednik komisije.....

Melika Alajbegović, član komisije.....

Mario Rotim, član komisije.....

Amra Kahrmanović
Melika Alajbegović
Mario Rotim

Saglasan sa prijedlogom broj: 1.

Denis Lasić, v.d. direktora



100